

# INUIT ATAQATIGIIT INATSISARTUNI



UPA2023/144  
14 april 2023  
Agathe Fontain

**Nalunaarusiaq aallaavigalugu Naalakkersuisut Inatsisartullu ikiorneqarsinnaajunnaarnertik pissutigalugu toquinnarusullutik kissaateqartunut ikiuineq qanoq isumaqarfigineraat, oqallisissiatut siunnersuut: "Toquinnarusuttunik ikiuineq inuiaqatigiittut qanoq isumaqarfigineripput aamma inuunermik navianartorsiortitsisumik nappaateqartunut tungiuinissamut suliniutit pillugit inerisaanissamut periarfissanik misissueqqissaarnermut suleqatigiissitap nassuiaataa".**

(Inatsisartunut Ilaasortaq Jens-Frederik Nielsen, Demokraatit)

## **Oqaaseqaat:**

Inatsisartunut ilaasortaq Jens Frederik Nielsen, Demokraatit, qutsavigaarput isummorsorfissamik imaannaangitsumik, misigissutsinik amerlasuunik qaffakaatitsisumik, pisariaqartumilli saqqummiussaqaarmat.

2018-mi Inatsisartut aalingersimapput nalunaarusiortoqassasoq.

Nalunaarusiaq ima qulequtalik: "Toquinnarusuttunik ikiuineq inuiaqatigiittut qanoq isumaqarfigineripput aamma inuunermik navianartorsiortitsisumik nappaateqartunut tungiuinissamut suliniutit pillugit inerisaanissamut periarfissanik misissueqqissaarnermut suleqatigiissitap nassuiaataa"

Nalunaarusiami innersuunneqanngilaq, imminut kissaatigigalugu toquinnarusuttut, toqunissaannut ikiorneqartarnissaat. Kissaatigineqarlunili anniarnarveersaartitsinermi tunginiunissamut ikiuineq inerisarneqassasoq.

Ersarippoq oqallissaarisup kissaatigigaa, anniarnaveersaarneq atoraluarluguluuniit, anniangaarnerit, naalliunnerit, ilungersungaarnerit millisinneqarsinnaajunnaarneranni, ikiorserneqarluni toquinnarusunneq pineqartoq.

# INUIT ATAQATIGIIT INATSISARTUNI



Ullummi taakku naalliuttarput inuit assigisaannik atugaqarnikuunngitsunut, takorloorneqarsinnaanngitsulluuniit.

Assersuutigalugu, nappaassuarmik kræftemik nalaataqarneq ilungersunartuummat. Tupanneq, aliatsanneq, ernumaneq siulliulluni takkuttarpoq. Eqqarsarnerujussuit, suna tamaat eqqarsaatigalugu, ilaquttat qimatassat, suliassat immaqa naammasserusutat, pisussat peqataaffigerusutat. Ila eqqarsaaterpassuit.

Kingornalu inoorusunneq takkuttarpoq, neriuteqarneq nakorsartinnerup iluatsinnissaa, **iluunngarluni** kissaatiginarluni. Ilaanni iluatittoqartarpoq. Amerlasuutigulli nakorsartinneq pigaluarluni, ilaatigut sivoorsuarmik ilutinngitsoortoqartarpoq.

Iluatsinngitsoornerup naajartornerani aqqusaarneqarsinnaasarpoq annertuunik anniarnaveersaatitornikkut anniaatit millisinneqarneri. Anniarnaveersaatillu sakkortusiartortinneqartarlutik, naggaterpiaatigut ima sakkortigilerlutik, allaat sakkortussusaat toqussutaasinnaalluni, atunnginneranut sanilliulluni.

Tassalu taanna periarfissaq nalunaarusiami ersersinneqartoq, innersuunneqartorlu.

Taammaattumik Inuit Ataqatigiit, nalunaarusiaq tusaatissatut tiguarput. Innersuutillu nalunaarusiami allaaserineqartut anguniarneqarnissaat kissaatigaarput.

Qulequtaq pisarput naammassineqartumik oqallisigineqarsorinngilarput. Etisk Råd-mik Nunatsinni peqalertariaqarpugut. Taammaattumik uggornarpoq 2018-mi Naalakkersuisuusut pilersitsinissamik sulineq unitsissimammassuk.

# INUIT ATAQATIGIIT INATSIARTUNI



Naalakkersuisullu kaammatussavagut suliaq nanginneqaqqullugu, siunissami  
Etisk Råd-mik Nunatsinni peqarnissaq allaqqunneqarsinnaanngimmat.

Nalunaarusiornermilu peqataasimasut qutsavigaagut.